



ҮНДЭСНИЙ
ХУВЬЧЛАЛЫН
САН

Сүхбаатар дүүрэг, 1-р хороо, Соёл амралтын хүрээлэн /1420/,
Энхтайвны өргөн чөлөө гудамж,
17 дугаартай Блюэ Скай барилгын 9 давхар
И-мэйл: info@ardmanagement.com Утас: 7700 3322

2026 он 4 сар 28 өдөр

Дугаар 26/01

Улаанбаатар хот

НЭГЖ ЭРХ ЭЗЭМШИГЧДИЙН ХУРЛЫН ТОГТООЛ

*Хөрөнгө итгэмжлэн удирдах үйлчилгээний жилийн тайланд
хийсэн ТУЗ-ийн дүгнэлтийг батлах тухай*

Хөрөнгө оруулалтын сангийн тухай хуулийн 9 дүгээр зүйлийн 9.1 дэх хэсэг, Санхүүгийн зохицуулах хорооны 2025 оны 64 дүгээр тогтоолоор батлагдсан “Хөрөнгө оруулалтын сангийн үйл ажиллагааны журам”-ын 9 дүгээр зүйлийн 9.2.2 дахь хэсэг, “Үндэсний Хувьчлалын Сан” Хамтын ХОС-ийн 2026 оны Нэгж эрх эзэмшигчдийн ээлжит хурлын тэмдэглэл болон Тооллогын комиссын тогтоолыг тус тус үндэслэн ТОГТООХ нь:

1. “Ард Менежмент” ХХК-ийн хөрөнгө итгэмжлэн удирдах гэрээний дагуу үзүүлсэн үйлчилгээний 2025 оны жилийн тайлангийн талаарх Төлөөлөн удирдах зөвлөлөөс өгсөн дүгнэлтийг баталсугай.
2. Тогтоолын хэрэгжилтийг хангаж ажиллахыг Төлөөлөн удирдах зөвлөлд даалгасугай.

ХУРЛЫН ДАРГА



Ч.ДАВААСАМБУУ



ҮНДЭСНИЙ
ХУВЬЧЛАЛЫН
САН

Сүхбаатар дүүрэг, 1-р хороо, Соёл амралтын хүрээлэн /1420/,
Энхтайвны өргөн чөлөө гудамж,
17 дугаартай Елжю Скэй барилгын 9 давхар
И-мэйл: info@ardmanagement.com Утас: 7700 3322

2026 он 4 сар 28 өдөр

Дугаар

26/01

Улаанбаатар хот

НЭГЖ ЭРХ ЭЗЭМШИГЧДИЙН ХУРЛЫН ТОГТООЛ

“Үндэсний Хувьчлалын Сан” Хамтын ХОС-ийн 2025 оны санхүүгийн болон үйл ажиллагааны тайланд хийсэн ТУЗ-ийн дүгнэлтийг батлах тухай

Хөрөнгө оруулалтын сангийн тухай хуулийн 9 дүгээр зүйлийн 9.1 дэх хэсэг, Санхүүгийн зохицуулах хорооны 2025 оны 64 дүгээр тогтоолоор батлагдсан “Хөрөнгө оруулалтын сангийн үйл ажиллагааны журам”-ын 9 дүгээр зүйлийн 9.2.1 дэх хэсэг, “Үндэсний Хувьчлалын Сан” Хамтын ХОС-ийн 2026 оны Нэгж эрх эзэмшигчдийн ээлжит хурлын тэмдэглэл болон Тооллогын комиссын тогтоолыг тус тус үндэслэн ТОГТООХ нь:

1. “Үндэсний Хувьчлалын Сан” Хамтын ХОС-ийн 2025 оны санхүүгийн болон үйл ажиллагааны тайлангийн талаарх Төлөөлөн удирдах зөвлөлийн дүгнэлтийг баталсугай.
2. Тогтоолын хэрэгжилтийг хангаж ажиллахыг Төлөөлөн удирдах зөвлөлд даалгасугай.

ХУРЛЫН ДАРГА



Ч.ДАВААСАМБУУ

2026 он 4 сар 28 өдөр

Дугаар 26/03

Улаанбаатар хот

НЭГЖ ЭРХ ЭЗЭМШИГЧДИЙН ХУРЛЫН ТОГТООЛ

*Кастодиан банкны хөрөнгө хадгалах үйлчилгээний жилийн тайланд хийсэн
ТУЗ-ийн дүгнэлтийг батлах тухай*

Хөрөнгө оруулалтын сангийн тухай хуулийн 9 дүгээр зүйлийн 9.1 дэх хэсэг, Санхүүгийн зохицуулах хорооны 2025 оны 64 дүгээр тогтоолоор батлагдсан “Хөрөнгө оруулалтын сангийн үйл ажиллагааны журам”-ын 9 дүгээр зүйлийн 9.2.2 дахь хэсэг, “Үндэсний Хувьчлалын Сан” Хамтын ХОС-ийн 2026 оны Нэгж эрх эзэмшигчдийн ээлжит хурлын тэмдэглэл болон Тооллогын комиссын тогтоолыг тус тус үндэслэн ТОГТООХ нь:

1. “Голомт банк” ХК-ийн Кастодиан банкны хэлтсийн хөрөнгө хадгалах үйлчилгээ үзүүлэх гэрээний дагуу үзүүлсэн үйлчилгээний 2025 оны жилийн тайлангийн талаарх Төлөөлөн удирдах зөвлөлийн дүгнэлтийг баталсугай.
2. Тогтоолын хэрэгжилтийг хангаж ажиллахыг Төлөөлөн удирдах зөвлөлд даалгасугай.

ХУРЛЫН ДАРГА



Ч.ДАВААСАМБУУ



ҮНДЭСНИЙ
ХУВЬЧЛАЛЫН
САН

Сүхбаатар дүүрэг, 1-р хороо, Соёл амралтын хүрээлэн /1420/,
Энхтайвны өргөн чөлөө гудамж,
17 дугаартай Блэю Скэй барилгын 9 давхар
И-мэйл: info@ardmanagement.com Утас: 7700 3322

2026 он 4 сар 28 өдөр

Дугаар 26/04

Улаанбаатар хот

НЭГЖ ЭРХ ЭЗЭМШИГЧДИЙН ХУРЛЫН ТОГТООЛ

Хараат бус аудитын байгууллагын дүгнэлтийг батлах тухай

Хөрөнгө оруулалтын сангийн тухай хуулийн 9 дүгээр зүйлийн 9.1 дэх хэсэг, Санхүүгийн зохицуулах хорооны 2025 оны 64 дүгээр тогтоолоор батлагдсан “Хөрөнгө оруулалтын сангийн үйл ажиллагааны журам”-ын 9 дүгээр зүйлийн 9.2.1 дэх хэсэг, “Үндэсний Хувьчлалын Сан” Хамтын ХОС-ийн 2026 оны Нэгж эрх эзэмшигчдийн ээлжит хурлын тэмдэглэл болон Тооллогын комиссын тогтоолыг тус тус үндэслэн ТОГТООХ нь:

1. “Үндэсний Хувьчлалын Сан” Хамтын ХОС-ийн 2025 оны санхүүгийн тайлан, түүнд хийгдсэн хараат бус аудитын байгууллагын дүгнэлтийг баталсугай.
2. Тогтоолын хэрэгжилтийг хангаж ажиллахыг Төлөөлөн удирдах зөвлөлд даалгасугай.

ХУРЛЫН ДАРГА



Ч.ДАВААСАМБУУ

2026 он 4 сар 28 өдөр

Дугаар

26/05

Улаанбаатар хот

НЭГЖ ЭРХ ЭЗЭМШИГЧДИЙН ХУРЛЫН ТОГТООЛ

*“Үндэсний Хувьчлалын Сан” Хамтын ХОС-ийн
дүрмийн нэмэлт, өөрчлөлтийг батлах тухай*

Хөрөнгө оруулалтын сангийн тухай хуулийн 16 дугаар зүйлийн 16.1.2, 16.1.3, 16.1.5, 16.1.7, Санхүүгийн зохицуулах хорооны 2025 оны 64 дүгээр тогтоолоор батлагдсан “Хөрөнгө оруулалтын сангийн үйл ажиллагааны журам”-ын 9 дүгээр зүйл, “Үндэсний Хувьчлалын Сан” Хамтын ХОС-ийн 2026 оны Нэгж эрх эзэмшигчдийн ээлжит хурлын тэмдэглэл болон Тооллогын комиссын тогтоолыг тус тус үндэслэн ТОГТООХ нь:

1. “Үндэсний Хувьчлалын Сан” Хамтын ХОС (цаашид “Сан” гэх)-ийн Төлөөлөн удирдах зөвлөлөөс баталсан Нэгж эрх эргүүлэн худалдан авах болон буцаан зах зээлд арилжих журамд холбогдуулан Сангийн дүрэмд нэмэлт, өөрчлөлт оруулж, Хавсралтаар шинэчлэн баталсугай.
2. Тогтоолын хэрэгжилтийг хангаж ажиллахыг Төлөөлөн удирдах зөвлөлд даалгасугай.

ХУРЛЫН ДАРГА



Ч.ДАВААСАМБУУ

“Үндэсний Хувьчлалын Сан” Хамтын ХОС ХХК-ийн
Нэгж эрх эзэмшигчдийн 2026 оны 4 сарын 27-ны өдрийн
ээлжит хурлын 26/05 тоот тогтоолын Хавсралт I



“ҮНДЭСНИЙ ХУВЬЧЛАЛЫН САН” ХАМТЫН ХӨРӨНГӨ ОРУУЛАЛТЫН САНГИЙН ДҮРЭМ

Нэг. Нийтлэг үндэслэл

- 1.1. “Үндэсний хувьчлалын сан” Хамтын хөрөнгө оруулалтын сан (цаашид “Сан” гэх) нь Монгол Улсын Иргэний хууль, Компанийн тухай хууль, Үнэт цаасны зах зээлийн тухай хууль, Хөрөнгө оруулалтын сангийн тухай хууль, Санхүүгийн зохицуулах хороо (цаашид “Хороо” гэх)-оос баталсан холбогдох дүрэм, журам, холбогдох бусад хууль тогтоомж болон энэ Дүрмийг үйл ажиллагаандаа удирдлага болгон ашгийн төлөө хөрөнгө оруулалтын сангийн үйл ажиллагаа эрхлэх тусгай зориулалтын компани байна.

Хоёр. Сангийн оноосон нэр, хаяг

- 2.1. Сангийн оноосон нэр:
2.1.1. Монголоор: “Үндэсний Хувьчлалын Сан” Хамтын ХОС ХХК
2.1.2. Англиар: “National Privatization Fund” closed-end fund
- 2.2. Сангийн оршин байгаа газар, албан ёсны хаяг:
Монгол Улс, Улаанбаатар хот, Сүхбаатар дүүрэг, 8 дугаар хороо, Ерөнхий Сайд Амарын гудамж-2, Ард Санхүүгийн Нэгдлийн байр, 2 давхар;
- Утас: 77078080
- Цахим хаяг: info@ardmanagement.mn
- 2.3. Сан нь өөрийн бэлгэдэл (эмблем), албан бичгийн хэвлэмэл хуудас, өөрийн нэр бүхий тэмдэг хэрэглэнэ.
- 2.4. Сан нь өөрийн “Үндэсний хувьчлалын сан” Хамтын ХОС гэсэн нэрийг бүх үйл ажиллагаандаа ашиглана.
- 2.5. Сан нь үүсгэн байгуулах баримт бичиг болон улсын бүртгэлийн жагсаалтад агуулагдаж байгаа бусад мэдээлэлд оруулсан өөрчлөлтийг хуульд заасан журмын дагуу улсын бүртгэлд бүртгүүлнэ.

Гурав. Сангийн үйл ажиллагаа явуулах хугацаа

- 3.1. Сан нь хамтын хөрөнгө оруулалтын сан (Хамтын ХОС)-ийн хэлбэртэй байна.
- 3.2. Сан нь үүсгэн байгуулагчаас тогтоосон хөрөнгийн хэмжээнд багтаан нийтэд санал болгох хэлбэрээр нэгж эрх гаргаж, зах зээлийн үнээр худалддаг, өөрийн гаргасан нэгж эрхийг эргүүлэн худалдаж авах үүрэг хүлээдэггүй буюу хаалттай төрлийн хөрөнгө оруулалтын сан байна.
- 3.3. Сан нь зөвхөн хөрөнгө оруулалтын үйл ажиллагаа эрхлэх зорилготой байна.
- 3.4. Сан нь үйл ажиллагаагаа 10 (арван) жилийн хугацаатай явуулна.
- 3.5. Сан нь хөрөнгө оруулагчийн эрх ашгийг бүрэн төлөөлж ажиллаж, сангийн хөрөнгийг үр ашигтайгаар өсгөн нэмэгдүүлэх зорилготой байна.
- 3.6. Санг үүсгэн байгуулагч нь үүсгэн байгуулах бичиг баримтыг Хороонд бүртгүүлж, хөрөнгө оруулалтын сангийн тухай хуулийн 14.9-д заасан ажиллагаа бүрэн хийгдэж, Сангийн үйл ажиллагаа эрхлэх тусгай зөвшөөрөл олгосныг хуулийн этгээдийн улсын бүртгэлд бүртгүүлснээр Санг үүсгэн байгуулагдсанд тооцно.
- 3.7. Сан нь Хорооноос тусгай зөвшөөрөл авч, Сангийн үйл ажиллагааг эхлүүлснээр зөвхөн хөрөнгө оруулалтын чиглэлээр үйл ажиллагаа явуулах тусгай зориулалтын компани байна.

Дөрөв. Сангийн хөрөнгө, санд хөрөнгө оруулах хэрэгсэл, активыг байршуулахад тавигдах шаардлага, хөрөнгө оруулалтын хэрэгсэл тус бүрийн эрсдэлийн удирдлага

- 4.1. Сан нь нэг бүр нь 100 (нэг зуун) төгрөгийн нэрлэсэн үнэ бүхий нийт 50,000,000 (тавин сая) ширхэг зарласан нэгж эрхтэй байна.
- 4.2. Санд төвлөрүүлэх хөрөнгийн нийт хэмжээ нь 5,000,000,000 (таван тэрбум) төгрөг байна.
- 4.3. Сан нь нэг бүр нь 100 (нэг зуун) төгрөгийн нэрлэсэн үнэ бүхий 50,000,000 (тавин сая) ширхэг нэгж эрхийг эргэлтэд гаргасан бөгөөд нийт хувь нийлүүлсэн хөрөнгө нь 5,000,000,000 (таван тэрбум) төгрөг болно.
- 4.4. Сангийн нэгж эрх тус бүр нь сангийн гишүүдийн хуралд саналын нэг эрхтэй оролцох ба нэгж эрх эзэмшигч иргэн, хуулийн этгээд тус бүрийн саналын эрх нь тэдгээрийн тус бүрийн өмчлөл, эзэмшил дэх нэгж эрхийн тоогоор тодорхойлогдоно.
- 4.5. Сан нь санхүүгийн хөшүүрэг хэрэглэсэн, эсхүл үнэт цаасны үнийн бууралтаас ашиг хүртэх нөхцөлтэй хөрөнгө оруулалтын хэрэгсэл активын бүтэцдээ оруулахыг хориглоно.
- 4.6. Сангийн активт дараах хөрөнгө оруулалтын хэрэгсэл байж болно. Үүнд:
 - 4.6.1. Засгийн газрын өрийн хэрэгсэл;
 - 4.6.2. Аймаг, нийслэлийн Засаг даргын гаргасан өрийн хэрэгсэл;
 - 4.6.3. Нээлттэй хувьцаат компанийн хувьцаа;
 - 4.6.4. Зохицуулалттай зах зээлд нээлттэй арилжаалагддаг компанийн өрийн хэрэгсэл;
 - 4.6.5. Хөрөнгөөр баталгаажсан үнэт цаас.
- 4.7. Сан нь зохицуулалттай зах зээлд нээлттэй арилжаалагддаг холбогдох хууль журамд тусгагдсан бусад хэрэгслүүдэл хөрөнгө оруулж болно.
- 4.8. Сан нь энэхүү Дүрмийн 4.1-д заасан зарласан нэгж эрхийн 5 хүртэлх хувь буюу 2,500,000 ширхэг хүртэлх нэгж эрхийг нэгж эрхийн зах зээлийн ханш тухайн үеийн цэвэр хөрөнгийн үнэлгээ (NAV)-ээс 15 ба түүнээс дээш хувиар бага үнэлэгдэж байгаа тохиолдолд зах зээлээс эргүүлэн авах ажиллагааг хэрэгжүүлж болно.
- 4.9. Энэхүү Дүрмийн 4.8 дахь хэсэгт заасан Сангийн нэгж эрхийг буцаан худалдан авах ажиллагаа нь Сангийн нэгж эрхийн хөрвөх чадварыг нэмэгдүүлэх, нэгж эрх эзэмшигчдийн эрх, ашгийг хамгаалах зорилготой байх бөгөөд Сангийн ТУЗ-өөс баталсан журам болон холбогдох бусад хууль, тогтоомжийн хүрээнд хэрэгжинэ.
- 4.10. Сан нь буцаан худалдан авсан нэгж эрхээ Сангийн үйл ажиллагааны хугацаа дуусахаас өмнө нэгж эрхийн цэвэр хөрөнгийн үнэлгээ (NAV), Сангийн ТУЗ-өөс баталсан журам, холбогдох шийдвэрийн дагуу зах зээлд буцаан арилжиж болно.
- 4.11. Сан нь энэхүү Дүрэмд зааснаас өөр санхүүгийн хэрэгсэлд хөрөнгө оруулахыг хориглоно.
- 4.12. Сан нь Дүрмийн 4.6-д заасан хөрөнгө оруулалтын хэрэгслүүдэд хөрөнгө оруулсантай холбоотой үүсэж болох эрсдэлд тухай бүрд шаардлагатай арга хэмжээг авч ажиллана.

Тав. Сангийн нэгж эрх эзэмшигч

- 5.1. Сангийн гаргасан нэгж эрхийг зохих журмын дагуу худалдан авч эзэмшсэн этгээд Сангийн нэгж эрх эзэмшигч болно.
- 5.2. Сан нь түүний нэгж эрхийг эзэмшигч хуулийн этгээдийн өмчлөл дэх сангийн нэгж эрхийн хувь, хэмжээнээс үл хамаарч тухайн нэгж эрхийг эзэмшигч хуулийн этгээдээс хараат бус байх бөгөөд Компанийн тухай хуульд заасан охин болон хараат компани, толгой компанийн хоорондын эрх, үүрэг, хариуцлага хүлээхгүй.
- 5.3. Сангийн нэгж эрхийг эзэмшигч хөрөнгө оруулалтын сангийн бусдын өмнө хүлээсэн үүргийг зөвхөн тухайн хөрөнгө оруулалтын санд оруулсан хөрөнгөөр хариуцна. Сангийн нэгж эрхийг эзэмшигч нь сангийн өр төлбөр болон аливаа үүргийг өөрийн хөрөнгөөр хариуцахгүй.
- 5.4. Сан нь нэгж эрхийг эзэмшигч болон санд үйлчилгээ үзүүлж байгаа Хөрөнгө оруулалтын менежментийн компани (цаашид “Менежментийн компани” гэх), кастодианы бусдын өмнө хүлээсэн үүрэг, хариуцлагыг хүлээхгүй.
- 5.5. Сангийн нэгж эрхийн тухайлсан бүртгэлийг санд үйлчилгээ үзүүлж байгаа кастодиан хөтөлнө.
- 5.6. Сангийн гишүүний бүртгэлийг Санд үйлчилгээ үзүүлж байгаа менежментийн компани 5.5-д заасан нэгж эрхийн тухайлсан бүртгэлд үндэслэн, сангийн холбогдох дотоод журамд заасны дагуу хөтөлнө.

- 5.7. Хөрөнгө оруулагч нь нэгж эрхийг анхдагч зах зээлд худалдсанаас олсон төлбөрийг санд бүрэн төлснөөс хойш ажлын 1-3 өдрийн дотор брокер эсхүл кастодианаас дамжуулан Сангийн нэгж эрхийг эзэмшигч болсныг бүртгүүлж, баталгаажуулна.

Зургаа. Хөрөнгө оруулалтын менежментийн компани

- 6.1. Менежментийн компанийн үндсэн үйл ажиллагаа нь Санг үүсгэн байгуулах, Санд хөрөнгө итгэмжлэн удирдах үйлчилгээг гэрээний үндсэн дээр үзүүлэх, Сангийн үйл ажиллагааг төлөөлөн эрхлэх байна.
- 6.2. Санд үүсгэн байгуулагч Менежментийн компанийн нэр, оршин байгаа газрын хаяг:

№	Хөрөнгө оруулалтын менежментийн компани	Регистрийн дугаар, тусгай зөвшөөрлийн дугаар	Хаяг	Утас, цахим хуудас
1	“Ард Менежмент” ХХК	5510759 № 380/09	Монгол улс, Улаанбаатар хот, Сүхбаатар дүүрэг, 8-р хороо, Ерөнхий сайд Амарын гудамж-2, Ард Санхүүгийн Нэгдлийн байр, 2 давхар	77078080 88114679 www.ardmanagment.mn

- 6.3. Менежментийн компани нь Санд холбогдох үйлчилгээг үзүүлэхдээ тухайн Сангийн гишүүдийн эрх ашгийн төлөө, сонирхлын зөрчилгүй, бие даасан, хараат бус үйл ажиллагаа явуулна.
- 6.4. Менежментийн компанитай байгуулах “Хөрөнгө итгэмжлэн удирдах гэрээ” нь энэ Дүрмийн 3.5-д заасан хугацаатай адил хугацаанд хүчин төгөлдөр үйлчлэх бөгөөд талууд харилцан тохиролцсоны үндсэн дээр дуусгавар болгосон бол хүчин төгөлдөр бусад тооцогдоно.
- 6.5. Менежментийн компани нь энэ Дүрмийн 6.4-т заасны дагуу Сантай байгуулсан гэрээ дуусгавар болсон буюу цуцлагдсан тохиолдолд дараагийн Менежментийн компанитай гэрээ байгуулах, уг гэрээ хүчин төгөлдөр болох хүртэл гэрээнд заасан үүргээ тасралтгүй хэрэгжүүлнэ.

Долоо. Кастодианы үйлчилгээ үзүүлэх хуулийн этгээд

- 7.1. Кастодиан нь үйл ажиллагаа эрхлэх тусгай зөвшөөрлийн үндсэн дээр Сангийн хөрөнгийн бүртгэл, хадгалалтыг Сантай байгуулсан “Хөрөнгө хадгалах гэрээ”-ний үндсэн дээр эрхэлнэ.
- 7.2. Санд Кастодианы үйлчилгээ үзүүлэх хуулийн этгээдийн нэр, оршин байгаа газрын хаяг:

№	Кастодиан банк	Регистрийн дугаар, тусгай зөвшөөрлийн дугаар	Хаяг	Утас, цахим хуудас
1	Голомт банк ХК	2075377	Улаанбаатар хот, Сүхбаатар дүүрэг, 1-р хороо, Олимпын гудамж, Очир Төв, Голомт Кастодиан, 503 тоот	custody@golomtbank.com

- 7.3. Кастодиан нь Санд холбогдох үйлчилгээг үзүүлэхдээ тухайн сангийн гишүүдийн эрх ашгийн төлөө, сонирхлын зөрчилгүй, бие даасан, хараат бус үйл ажиллагаа явуулна.

Найм. Сангийн нэгж эрхийг арилжих

- 8.1. Сан нь нэгж эрхээ нийтэд санал болгох замаар хөрөнгө төвлөрүүлэх бөгөөд арилжаа эрхлэх байгууллагаар дамжуулан олон нийтэд чөлөөтэй арилжаална.

- 8.2. Сангийн нэгж эрх нь хоёрдогч зах зээлд чөлөөтэй арилжаалагдах бөгөөд Сан нь хоёрдогч зах зээл дахь арилжаалагдах үнийг тогтоход үүрэг хүлээхгүй.
- 8.3. Сан нь гүйлгээнд гаргасан нэгж эрхээ буцааж худалдаж авах үүрэг хүлээхгүй.
- 8.4. Сан нь нийтээс хөрөнгө оруулалт татах ажиллагааг сангийн нэгж эрхийн танилцуулгад үндэслэн хэрэгжүүлнэ.
- 8.5. Хөрөнгө оруулагч нь нэгж эрхийг худалдан авах гэрээг байгуулж, нэгж эрхийн төлбөрийг бүрэн төлснөөр Сангийн нэгж эрх эзэмшигч болж энэхүү Дүрэм болон бусад хууль тогтоомжид заасан эрхийг эдэлж, үүргийг хүлээнэ.

Ес. Нэгж эрх эзэмшигчдийн эрх, үүрэг

- 9.1. Сангийн нэгж эрх эзэмшигч нь дараах эрх, үүрэгтэй байна. Үүнд:
 - 9.1.1. Сангийн үйл ажиллагааны орлогоос өөрийн оруулсан хөрөнгийн хэмжээнд хувь тэнцүүлэн ногдол ашиг хүртэх;
 - 9.1.2. Сангийн нэгж эрх эзэмшигчдийн хуралд нэгж эрх тус бүрээр саналын эрхтэй оролцох;
 - 9.1.3. Бусад нэгж эрх эзэмшигчийн саналыг харгалзахгүйгээр өөрийн эзэмшиж байгаа нэгж эрхээ чөлөөтэй захиран зарцуулах;
 - 9.1.4. Санг татан буугдах үед өөрт ногдох хөрөнгийг хүлээн авах;
 - 9.1.5. Сангийн нэгж эрхийг эзэмшигч нь өөрийн эзэмшиж буй нэгж эрхээ энэхүү Дүрэмд заасан зохицуулалтын хүрээнд захиран зарцуулах (худалдах, бэлэглэх, барьцаалах, өв залгамжлуулах болон хуулиар зөвшөөрсөн бусад хэлбэр);
 - 9.1.6. Сангийн нэгж эрхийг эзэмшигч нь Сангаас нэмж гаргаж буй нэгж эрхээс өөрийн эзэмшиж буй хувь хэмжээтэй хувь тэнцүүлэн тэргүүн ээлжинд худалдан авах эрхийг Компанийн тухай хуулийн 38 дуаар зүйлд заасан журмын дагуу хэрэгжүүлэх;
 - 9.1.7. Сангийн нэгж эрхийг эзэмшигч нь хөрөнгө оруулалтын сангийн талаарх тохирох мэдээллийг авах, санхүүгийн болон бусад баримт бичигтэй танилцах;
 - 9.1.8. Кастодиан банкны үйл ажиллагаанд хөндлөнгөөс нөлөөлөхгүй байх;
 - 9.1.9. Нэгж эрх эзэмшигч нь өөрийн нэр, оршин суугаа газрын хаяг болон эзэмшиж байгаа нэгж эрхийн тоог нэгж эрх эзэмшигчийн бүртгэл хөтлөх этгээдэд мэдээлэх, түүнчлэн тэдгээрт орсон нэмэлт, өөрчлөлтийг тухай бүр мэдэгдэх үүрэг хүлээнэ;
 - 9.1.10. Энэ Дүрмийн 9.1.9-д заасны дагуу бүртгүүлснээр нэгж эрх эзэмшигчийн эрх үүснэ.
 - 9.1.11. Компанийн тухай хууль, Хөрөнгө оруулалтын сангийн тухай хууль болон бусад хууль тогтоомжид заасан бусад эрх, үүрэг.

Арав. Сангийн удирдлага

- 10.1. Сангийн эрх барих дээд байгууллага нь сангийн нэгж эрх эзэмшигчдийн хурал байна.
- 10.2. Сангийн төлөөлөн удирдах зөвлөл ("ТУЗ") нь сангийн нэгж эрх эзэмшигчдийн хурлын чөлөөт цагт хөрөнгө оруулалтын сангийн эрх барих дээд байгууллага байна.
- 10.3. Сангийн өдөр тутмын үйл ажиллагааг гүйцэтгэх удирдлага эрхлэх бөгөөд уг бүрэн эрхийг хөрөнгө итгэмжлэн удирдах гэрээний үндсэн дээр Менежментийн компани өөрөө эсхүл уг Менежментийн компаниас томилсон эрх бүхий Сангийн менежер хэрэгжүүлнэ.

Арван нэг. Нэгж эрх эзэмшигчдийн хурал

- 11.1. Сангийн нэгж эрх эзэмшигчдийн ээлжит болон ээлжит бус хурлыг Компанийн тухай тухай хууль, эрх бүхий байгууллагаас баталсан холбогдох дүрэм, журамд заасны дагуу зохион байгуулна.
- 11.2. Сангийн нэгж эрх эзэмшигчдийн ээлжит хурлыг хуралдуулаагүй тохиолдолд хурлыг хуралдуулбал зохих хугацаа өнгөрсөн өдрөөс эхлэн сангийн Төлөөлөн удирдах зөвлөлийн бүрэн эрх дуусгавар

болсонд тооцох ба мөн хугацаанаас хойш байгуулсан аливаа гэрээ хэлцэл, гаргасан шийдвэр хүчин төгөлдөр бус байна.

- 11.3. Сангийн нэгж эрх эзэмшигчдийн ээлжит хурлаар Сангийн үйл ажиллагааны болон санхүүгийн тайлангийн талаарх ТУЗ болон Менежментийн компанийн дүгнэлтийг заавал хэлэлцэнэ.
- 11.4. Дараах асуудлыг Сангийн нэгж эрх эзэмшигчдийн хурлаар шийдвэрлэнэ. Үүнд:
 - 11.4.1 Менежментийн компанийг сонгох, хөрөнгө итгэмжлэн удирдах гэрээ байгуулах шийдвэр гаргах;
 - 11.4.2 Кастодианыг сонгох, хөрөнгө хадгалах гэрээ байгуулах шийдвэр гаргах;
 - 11.4.3 Менежментийн компани болон кастодианы төлбөр, урамшууллын дээд хязгаарыг тогтоох;
 - 11.4.4 Сангийн дүрэмд нэмэлт, өөрчлөлт оруулах буюу Сангийн дүрмийн шинэчилсэн найруулгыг батлах;
 - 11.4.5 Санг нийлүүлэх, нэгтгэх, хуваах, тусгаарлах буюу өөрчлөх замаар өөрчлөн байгуулах;
 - 11.4.6 Сангийн өрийг нэгж эрхээр солих, нэмж гаргах нэгж эрхийн тоог тогтоох;
 - 11.4.7 Сангийн нэгж эрхийг хуваах болон нэгтгэх;
 - 11.4.8 Санг татан буулгах болон татан буулгах комиссын тогтоол;
 - 11.4.9 Төлөөлөн удирдах зөвлөлийн гишүүдийг сонгох, бүрэн эрхийг нь хугацаанаас нь өмнө дуусгавар болгох;
 - 11.4.10 Компанийн тухай хуулийн 11 дүгээр бүлэгт заасан, ТУЗ-өөр шийдвэрлэж чадаагүй их хэмжээний хэлцэл батлах;
 - 11.4.11 Компанийн тухай хуулийн 12 дугаар бүлэгт заасан, ТУЗ-өөр шийдвэрлэж чадаагүй сонирхлын зөрчилтэй хэлцлийг батлах;
 - 11.4.12 Сангийн жилийн үйл ажиллагааны болон санхүүгийн тайлангийн талаарх ТУЗ-ийн болон Менежментийн компанийн дүгнэлтийг хэлэлцэж батлах;
 - 11.4.13 Кастодианы хөрөнгө хадгалах үйлчилгээний жилийн тайлан;
 - 11.4.14 Сангийн нэгж эрх эзэмшигчдийн хурлаар хэлэлцүүлэхээр ТУЗ-аас оруулсан асуудлууд;
 - 11.4.15 Компанийн тухай хууль, Хөрөнгө оруулалтын сангийн тухай хууль болон Санхүүгийн Зохицуулах Хорооны Хамтын Хөрөнгө Оруулалтын Сангийн Үйл ажиллагааны тухай журамд заасан бусад асуудлууд.
- 11.5. Сангийн нэгж эрх эзэмшигчдийн хурал хуралдуулахтай холбогдон гарах зардлыг Сан хариуцна.

Арван хоёр. Төлөөлөн удирдах зөвлөл

- 12.1. Сангийн ТУЗ нь 5 (таван) гишүүнтэй байх ба тэдгээрийн 1/3-ээс багагүй нь хараат бус гишүүн байна. Хараат бус гишүүд нь Компанийн тухай хуулийн 79.1-т заасан шаардлагыг хангасан байна.
- 12.2. ТУЗ-ийн гишүүдийн бүрэн эрхийн хугацаа нь 2 (хоёр) жил байх ба улируулан сонгож болно.
- 12.3. ТУЗ нь дараах эрх, үүргийг хэрэгжүүлнэ. Үүнд:
 - 12.3.1. Сангийн нэгж эрх эзэмшигчдийн ээлжит болон ээлжит бус хурлыг зарлан хуралдуулах;
 - 12.3.2. Гүйцэтгэх удирдлагын эрх хэмжээг тогтоох, Гүйцэтгэх удирдлагын бүрэн эрхийг хугацаанаас өмнө дуусгавар болгох;
 - 12.3.3. Сангийн жилийн үйл ажиллагааны болон санхүүгийн тайлангийн талаар гаргасан Гүйцэтгэх удирдлагын дүгнэлтийг хэлэлцэх;
 - 12.3.4. ТУЗ, Гүйцэтгэх удирдлагын үйл ажиллагааны болон компанийн засаглалын дотоод журмыг батлах;
 - 12.3.5. Сангийн аудиторыг сонгох, гэрээний нөхцөлийг тогтоох;
 - 12.3.6. Ногдол ашгийн хэмжээг тогтоож, төлөх журмыг батлах;
 - 12.3.7. Их хэмжээний болон сонирхлын зөрчилтэй хэлцэл хийх зөвшөөрөл олгох;

- 12.3.8. Санг нэгтгэх, нийлүүлэх замаар өөрчлөн байгуулах талаар сангийн нэгж эрх эзэмшигчдийн хурлын шийдвэрийн төслийг бэлтгэх, гаргасан шийдвэрийг хэрэгжүүлэх;
- 12.3.9. Сангийн дотоод хяналтын хорооны гишүүдийг томилох;
- 12.3.10. Энэхүү Дүрэмд заасан зарласан нэгж эрхийн тоонд багтаан нэгж эрх гаргах;
- 12.3.11. Энэхүү Дүрэм болон сангийн нэгж эрх эзэмшигчдийн хурлаас эрх олгосон бусад асуудлыг шийдвэрлэх;
- 12.3.12. Компанийн тухай хууль, Хөрөнгө оруулалтын сангийн тухай хууль болон СЗХ-ны Хамтын хөрөнгө оруулалтын сангийн үйл ажиллагааны тухай журамд заасан бусад асуудал.
- 12.4. ТУЗ-ийн гишүүн нь удаан хугацаагаар (6 сараас дээш) үүргээ хэрэгжүүлэх боломжгүй болсон, чөлөөлөгдөх хүсэлтээ гаргасан, эсхүл нас барсан бол орлох этгээдийн нөхөн сонгууль хүртэл ТУЗ түр томилно.
- 12.5. ТУЗ-ийн даргыг ТУЗ-ийн гишүүдийн нийт гишүүний дийлэнх олонхийн саналаар сонгоно. ТУЗ-ийн даргын эзгүйд түүний томилсон ТУЗ-ийн аль нэгж гишүүн үүрэг гүйцэтгэнэ.
- 12.6. ТУЗ-ийн хурлыг ТУЗ-ийн дарга, гишүүд, Сангийн гүйцэтгэх захирал болон ТУЗ-ийн үйл ажиллагааны журамд заасан бусад этгээдийн санаачилга, шаардлагаар хуралдуулна.
- 12.7. ТУЗ нь үйл ажиллагааныхаа журмыг тогтоож, батлах бөгөөд ТУЗ-ийн эчнээ санал хураалтаар шийдвэр гаргаж болно.
- 12.8. ТУЗ-ийн ээлжит хурлыг сард 1 (нэг) удаа хуралдуулна.
- 12.9. ТУЗ нь аудитын хороо, дотоод хяналтын хороотой байна.
- 12.10. ТУЗ-ийн хурал гишүүдийн дийлэнх олонх оролцсоноор хүчин төгөлдөр болно. ТУЗ-ийн хуралд оролцсон гишүүдийн дийлэнх олонхийн саналаар асуудлыг шийдвэрлэнэ.
- 12.11. ТУЗ-ийн хурлын тэмдэглэлд хуралд оролцсон ТУЗ-ийн гишүүд гарын үсэг зурна.
- 12.12. ТУЗ-ийн шийдвэр нь тогтоол хэлбэртэй байх бөгөөд ТУЗ-ийн дарга гарын үсэг зурж баталгаажуулна.

Арван гурав. Гүйцэтгэх удирдлага

- 13.1. Менежментийн компани, Сангийн менежер нь Дүрэм болон Хөрөнгө итгэмжлэн удирдах үйлчилгээний гэрээнд заасан эрх хэмжээний хүрээнд хөрөнгө оруулалтын сангийн хөрөнгийг удирдан зохион байгуулна.
- 13.2. Гүйцэтгэх удирдлага буюу Менежментийн компани нь Сантай байгуулсан хөрөнгө итгэмжлэн удирдах үйлчилгээний гэрээний үндсэн дээр үйл ажиллагаагаа явуулна. Энэ гэрээнд Менежментийн компанийн эрх, үүрэг, хариуцлагын хэмжээ, хариуцлагаас чөлөөлөх үндэслэл, үйлчилгээний зардлын төлбөр, гүйцэтгэлийн урамшуулал зэрэг асуудлыг тусгасан байна.
- 13.3. Менежментийн компани нь Сангаас олгосон эрх хэмжээний хүрээнд хөрөнгө оруулалт, хэлцэл хийх, гэрээ байгуулах, төлөөлөх зэргээр Сангийн нэрийн өмнөөс үйл ажиллагаа явуулна.
- 13.4. Менежментийн компани нь Сангаас олгосон эрх хэмжээнээс давсан хөрөнгө оруулалт, хэлцэл хийх, гэрээ байгуулах тухай бүрдээ ТУЗ-өөс бичгээр зөвшөөрөл авна.
- 13.5. Менежментийн компани нь дараах эрх, үүрэгтэй. Үүнд:
 - 13.5.1. Хөрөнгө оруулалтын шийдвэр гаргах,
 - 13.5.2. Хөрөнгө итгэмжлэн удирдах гэрээний хүрээнд тухайн хөрөнгө оруулалтын санг төлөөлөх бүрэн эрхийг хэрэгжүүлэх, үйл ажиллагаагаа ТУЗ болон нэгж эрх эзэмшигчдийн хуралд танилцуулах,
 - 13.5.3. Сангийн хөрөнгийг итгэмжлэн удирдах үйл ажиллагаандаа тухайн Сангийн нэгж эрх эзэмшигчдийн эрх ашгийн төлөө, сонирхлын зөрчилгүй, бие даасан, хараат бус үйл ажиллагаа явуулах,
 - 13.5.4. Энэхүү Дүрэмд заасны дагуу гаргасан нэгж эрхийн хэмжээгээр хөрөнгө оруулалт татах үйл ажиллагааг зохион байгуулах,

- 13.5.5. Сангийн нэгж эрх эзэмшигчдийн ээлжит болон ээлжит бус хурлыг зохион байгуулах,
- 13.5.6. Санд үйлчилгээ үзүүлсэн кастодиан, аудит, үнэлгээчнийг сонгон шалгаруулах үйл ажиллагааг зохион байгуулж ТУЗ болон нэгж эрх эзэмшигчдийн хуралд танилцуулах,
- 13.5.7. Санг татан буулгах үйл ажиллагааг зохион байгуулах,
- 13.5.8. Санг татан буулгасан тохиолдолд хөрөнгийг хуваарилах,
- 13.5.9. Ногдол ашиг тараах үйл ажиллагааг зохион байгуулах,
- 13.5.10. Хөрөнгө итгэмжлэн удирдах гэрээнд өөрөөр заагаагүй бол хөрөнгө оруулалтын шийдвэрийг хөрөнгө оруулалтын менежментийн компани гаргах;
- 13.5.11. Хорооноос тогтоосон хугацаанд холбогдох журмын дагуу тайлан мэдээ гаргах, хүргүүлэх,
- 13.5.12. Хууль тогтоомжид заасан бусад.
- 13.6. Сангийн өдөр тутмын үйл ажиллагааг Менежментийн компаниас томилсон Сангийн менежер удирдана.
- 13.7. Сангийн менежер нь дараах эрх, үүрэгтэй. Үүнд:
 - 13.7.1. Хууль тогтоомж болон энэхүү Дүрэм, Хөрөнгө итгэмжлэн удирдах гэрээнд заасан бүрэн эрхийн хүрээнд Сангийн өдөр тутмын үйл ажиллагааг удирдан зохион байгуулж, эрх мэдлээ хэрэгжүүлэх,
 - 13.7.2. Сангийн хөрөнгө нь сангийн дүрэмд тусгасан болон Хорооноос тогтоосон нөхцөл шалгуурыг хангаж байгаа талаар байнгын хяналтыг хэрэгжүүлж ажиллах,
 - 13.7.3. Кастодианы үйл ажиллагаанд хөрөнгө итгэмжлэн удирдах гэрээний эрхийн хүрээнд хяналт тавих эрхтэй,
 - 13.7.4. Кастодианыг өөрчлөх, өөр кастодианд хөрөнгийг хадгалах эрхийг олгосон тохиолдолд уг ажиллагааг зохион байгуулах, шаардлагатай зөвлөмж, удирдлагаар хангах,
 - 13.7.5. Менежер нь гэрээний үндсэн дээр нэгж эрх эзэмшигчийн/сангийн гишүүний бүртгэлийг үнэт цаасны төлбөр, тооцоо гүйцэтгэх эрх бүхий этгээдээр гүйцэтгүүлж болно,
 - 13.7.6. Сантай холбоотой хөрөнгийн бүхий л гүйлгээнд хяналт тавих, эрсдэлийг тооцох,
 - 13.7.7. Сангийн хөрөнгийн хөдөлгөөнтэй холбоотой санхүүгийн анхан шатны бүр баримтыг үйлдсэн болон хүлээн авсан даруйд хувийг нь холбогдох санхүүгийн бүртгэлийг гүйцэтгэж байгаа мэргэшсэн нягтлан бодогч болон кастодианд хүргүүлэх,
 - 13.7.8. Холбогдох хууль тогтоомж, хэм хэмжээний актад заасны дагуу эрх бүхий байгууллага, нэгж эрх эзэмшигчдийн хурал, ТУЗ-ийг мэдээллээр хангах, Сан нь өөрийн хувь нийлүүлсэн хөрөнгийн хэмжээ, нэгж эрх эзэмшигчдийн болон эрх бүхий албан тушаалтан, төлөөлөгчийн бүрэлдэхүүнд өөрчлөлт оруулахдаа Хорооноос зөвшөөрөл авах,
 - 13.7.9. Сангийн дүрэм, нэгж эрхийн танилцуулга, журамд заасны дагуу нэгж эрх эзэмшигч гишүүдийг мэдээллээр хангаж ажиллах,
 - 13.7.10. Сангийн дүрэм, нэгж эрхийн танилцуулга, байгуулсан гэрээнд зааснаас илүү хэмжээний эсхүл тэдгээрт заагдаагүй зардал, төлбөрийг сангийн хөрөнгөөс гүйцэтгэхгүй,
 - 13.7.11. Сангийн үйл ажиллагааны жилийн эцсийн болон хагас жилийн тайланд нэгж эрх эзэмшигчдийн бүтэц, тухайн сангийн нийт гаргасан нэгж эрхийн 5 хувь ба түүнээс дээш хэмжээний нэгж эрхийг эзэмшигчдийн жагсаалтыг тусган нийт нэгж эрх эзэмшигчдэд мэдэгдэх,
 - 13.7.12. Сангийн үйл ажиллагааны жилийн эцсийн болон хагас жилийн тайланд Сангийн менежер нь өөрийн үйл ажиллагааны тайланг тусгаж Хороонд хүргүүлэх,
 - 13.7.13. Санд хөрөнгө оруулах боломжтой аливаа этгээдийн мэдээллийг үнэ төлбөргүй гарган өгөх, зөвлөгөө өгөх,
 - 13.7.14. Үйл ажиллагаандаа сангийн эрх ашгийг дээдлэх зарчмыг баримталж, хууль болон энэ дүрмээр тогтоосон үүргээ чанд биелүүлэх.

- 13.7.15. Сангийн нууцад хамаарах мэдээллийг бусдад задруулах, хувийн сонирхлыг зорилгоор ашиглахгүй байх.
- 13.7.16. Санг татан буулгах журмын төсөл боловсруулж, сангийн нэгж эрх эзэмшигчдийн хурлаар хэлэлцүүлэн татан буулгах шийдвэрийн хамт батлуулах,
- 13.7.17. Хууль болон Сангаас тогтоосон бусад эрх, үүрэг.
- 13.8. Сангийн менежер нь сангийн хөрөнгийг энэхүү дүрэм, Сангийн журамд зааснаас бусад зориулалтаар ашигласан хууль бус үйлдэл нь сангийн актив болон хөрөнгийн бүтцэд хамаарах хөрөнгөд тогтоогдсон бол уг хохирлыг сангийн менежер өөрийн хөрөнгөөр барагдуулна.

Арван дөрөв. Хөрөнгө оруулалтын бодлого

- 14.1. Сан нь хөрөнгө оруулалтын бодлогын баримт бичигтэй байна.
- 14.2. Сангийн активыг энэ Дүрмийн 4.6-д заасан хөрөнгө оруулалтын хэрэгсэлд оруулна.
- 14.3. Сангийн бодлогын баримт бичигт дараах зүйлсийг заавал тусгана. Үүнд:
 - 14.3.1. Хөрөнгө оруулалтын үйл ажиллагааны үндсэн зорилго, чиглэл, сангийн хөрөнгийг үрү ашигтайгаар өсгөн нэмэгдүүлэх үндэслэл, тооцоо,
 - 14.3.2. Хөрөнгө оруулалт хийх хөрөнгө оруулалтын хэрэгслийн жагсаалт, хязгаарлалт,
 - 14.3.3. Энэхүү дүрмийн 14.3.2-т заасан хөрөнгө оруулалтын хэрэгсэл тус бүрд хөрөнгө оруулсантай холбогдон үүсэж болох эрсдэлийн үнэлгээ, эрсдэлийн удирдлагын арга хэрэгслийн тухай,
 - 14.3.4. Сангийн активын бүтцэд тавих шаардлага,
 - 14.3.5. Сангийн орлогоос гишүүдэд орлого хуваарилах бодлого.

Арван тав. Кастодиан банк

- 15.1. Сангийн хөрөнгийн бүртгэл, хадгалалтыг кастодианы үйл ажиллагаа эрхлэх тусгай зөвшөөрөлтэй хуулийн этгээд сантай байгуулсан Хөрөнгө хадгалалтын гэрээний дагуу явуулна.
- 15.2. Сан нь кастодиантай байгуулах хөрөнгө хадгалах гэрээнд дараах зүйлийг заавал тусгана. Үүнд:
 - 15.2.1. Сангийн бүх хөрөнгийн бүртгэлийг хөтлөх тухай,
 - 15.2.2. Хууль тогтоомж болон энэ Дүрэмд заасны дагуу сангийн нэгж эрхийн бүртгэлийг хөтлөх, нэгж эрхийг өмчлөх эрхийн бүртгэлийг хөтлөх,
 - 15.2.3. Сангийн хөрөнгийн зарцуулалтын тухай, гүйлгээг хэрхэн гүйцэтгэх тухай,
 - 15.2.4. Сангийн хөрөнгийн бүртгэл, хөрөнгийн үнэлгээг хууль тогтоомжид заасан аргачлалын дагуу гүйцэтгэх тухай,
 - 15.2.5. Сангийн орлогыг хууль тогтоомж болон сангийн дүрэмд заасан зориулалтаар ашиглах ажиллагаанд хяналт тавих тухай,
 - 15.2.6. Сангийн хөрөнгөтэй холбоотой сан болон хөрөнгө оруулалтын менежментийн компанийн даалгаврыг хууль тогтоомж болон Сангийн дүрэм, журамтай зөрчилдөөгүй нөхцөлд саадгүй хэрэгжүүлэх тухай,
 - 15.2.7. Хөрөнгө хадгалах үйлчилгээний төлбөрийн хэмжээ, төлөх тухай.

Арван зургаа. Сангийн орлого, орлого зарцуулалт, ногдол ашиг хуваарилах

- 16.1. Сангийн орлого дараах эх үүсвэрээс бүрдэнэ. Үүнд:
 - 16.1.1. Хөрөнгө оруулалтын орлого,
 - 16.1.2. Бусад орлого.
- 16.2. Хөрөнгө оруулалтын орлогод Сангийн худалдан авч эзэмшиж буй санхүүгийн хэрэгслийн ханшийн зөрүүний орлого, хүү, ногдол ашгийн орлого болон хууль, журамд заасан бусад орлого хамаарна.
- 16.3. Сангийн ногдол ашиг хуваарилах талаар Менежментийн компанитай харилцан тохиролцсоны дараа ТУЗ-өөс шийдвэрлэнэ.

Арван долоо. Хөрөнгө оруулалтын сангийн зардал

- 17.1. Сангийн хөрөнгийг захиран зарцуулахдаа Сангийн үйл ажиллагаанд хуулиар оролцохыг зөвшөөрсөн этгээдүүдэд төлөх үйлчилгээний хөлс, сангийн үйл ажиллагааг удирдах зохион байгуулах, хэвийн, тасралтгүй, тогтмол үйл ажиллагаагаа эрхлэхэд шаардлагатай зардал дээр үндэслэгдэх зарчим баримтална.
- 17.2. Сангийн хөрөнгийг дарах зардалд зарцуулна. Үүнд:
 - 17.2.1. ТУЗ-ийн гишүүдийн хараат бус, үр дүнтэй үйл ажиллагааг хангуулах зорилготой Дүрэмд заасны дагуу тогтоосон цалин хөлс,
 - 17.2.2. Хөрөнгө итгэмжлэн удирдах гэрээний үндсэн дээр хөрөнгө оруулалтын менежментийн компанид төлөх төлбөр, гүйцэтгэлийн урамшуулал,
 - 17.2.3. Хөрөнгө хадгалах гэрээний үндсэн дээр кастодианд төлөх төлбөр,
 - 17.2.4. Банкны үйлчилгээний шимтгэл, хураамжууд,
 - 17.2.5. Брокерийн үйлчилгээний шимтгэл, хураамж,
 - 17.2.6. Аудит болон нягтлан бодох бүртгэл хөтлөх үйлчилгээнд төлөх төлбөр,
 - 17.2.7. Хуулийн үйлчилгээний зардал,
 - 17.2.8. Сангийн актив хөрөнгөтэй холбоотой хууль тогтоомжид заасан улсын тэмдэгтийн бүх төрлийн хураамж,
 - 17.2.9. Сангийн актив хөрөнгөтэй холбоотой хууль тогтоомжид заасан бүх төрлийн татвар,
 - 17.2.10. Сангийн нэгж эрх эзэмшигчдийн хурлын зардал,
 - 17.2.11. Нэгж эрхийг мэргэжлийн хөрөнгө оруулагчдад санал болгох, худалдахтай холбоотой гарсан Сангийн менежерийн үйл ажиллагааны зардал,
 - 17.2.12. Хууль тогтоомжид Сан хариуцахаар заасан бусад зардал.
- 17.3. Сангийн зардлын гүйлгээ нь Сангийн менежер эсхүл түүнийг орлох этгээд, Нэгж эрх эзэмшигчдийн хурлаас шийдвэрлэсэн бол хурлаас зөвшөөрсөн этгээдийн гарын үсэг болон сангийн тэмдэг (тамга)-ээр баталгаажсан байна.
- 17.4. Сангийн хөрөнгөнөөс Менежментийн компанийн болон Сангийн менежерийн бусдын өмнө хүлээсэн үүргийн гүйцэтгэлийг хангахгүй.
- 17.5. Энэ Дүрмийн 17.2.2, 17.2.3-т заасан зардлын нийлбэр дүн нь Сангийн тухайн жилийн активын дундаж үлдэгдлийн 3 хувиас хэтрэхгүй байна.
- 17.6. Хөрөнгө итгэмжлэн удирдах үйл ажиллагааны гэрээнд хөрөнгө оруулалтын менежментийн компанийн гүйцэтгэлийн урамшуулал өгөхөөр тохиролцсон тохиолдолд хэмжээ нь сангийн ашгийн 30 хувиас хэтрүүлэхгүйгээр тусгана.

Арван найм. Хөрөнгө оруулалтын сангийн нягтлан бодох бүртгэл

- 18.1. Сангийн нягтлан бодох бүртгэлийг бүртгэлийн олон улсын стандартын дагуу Монгол улсын хууль тогтоомжийн дагуу хөтөлнө.
- 18.2. Сангийн нягтлан бодох бүртгэлийг Менежментийн компани гүйцэтгэх бөгөөд Менежментийн компани нь хуульд заасан эрхтэй хуулийн этгээд болон мэргэшсэн нягтлан бодогчоор гэрээний үндсэн дээр гүйцэтгүүлж болно.
- 18.3. Сангийн нягтлан бодох бүртгэлийг хөтөлж байгаа этгээд нь эрх бүхий мэргэшсэн нягтлан бодогч байна.
- 18.4. Сангийн нягтлан болох бүртгэлийг хөтлөх этгээд нь тухайн санд үйлчилгээ үзүүлж байгаа кастодиан, аудитын компани, түүний ажилтан болон тэдгээртэй нэгдмэл сонирхолтой этгээд байхыг хориглоно.

Арван ес. Хөрөнгө оруулалтын сангийн хяналтын тогтолцоо

- 19.1. Сангийн үйл ажиллагааны хяналт нь дараах хяналтаас бүрдэнэ. Үүнд:
 - 19.1.1. Дотоод хяналт,

- 19.1.2. Аудитын хяналт,
19.1.3. Хорооноос хэрэгжүүлэх хяналт, зохицуулалт.
- 19.2. Энэ Дүрмийн 19.1-т заасан хяналтыг хэрэгжүүлэх этгээдүүд нь харилцан хамааралгүйгээр хяналтын үйл ажиллагааг хэрэгжүүлнэ.
- 19.3. Дотоод хяналт шалгалтыг Сангийн Төлөөлөн удирдах зөвлөл (ТУЗ)-өөс томилогдсон 3 (гурван)-аас доошгүй гишүүнтэй Дотоод хяналтын хороо гүйцэтгэх ба тус хорооны үйл ажиллагааг Сангийн дотоод хяналтын журмаар зохицуулна.
- 19.4. Дотоод хяналтын хорооны гишүүдийн нэг нь аудитын үйл ажиллагаа явуулах эрх авсан, энэ чиглэлээр 3 (гурав)-аас доошгүй ажил ажилласан этгээд байна.
- 19.5. Дотоод хяналтын хорооны гишүүд нь дараах нөхцөл, шаардлагыг хангасан байна. Үүнд:
19.5.1. тухайн ажилд хамааралтай, шаардлагатай мэдлэг, ур чадварыг эзэмшсэн байх,
19.5.2. СЗХ-оос тогтоосон тохиромжтой этгээдийн шалгуур хангасан байх,
19.5.3. Холбогдох ажлын туршлагатай байх,
19.5.4. Хараат бус, бие даасан, сонирхлын зөрчилгүй байх.
- 19.6. Аудитын хяналтыг Компанийн тухай хууль, Хөрөнгө оруулалтын сангийн тухай хууль, Үнэт цаасны зах зээлийн тухай хуульд заасны дагуу хэрэгжүүлнэ.
- 19.7. Сангийн үйл ажиллагаанд тавих Санхүүгийн Зохицуулах Хорооны хяналт нь Сангийн үйл ажиллагаа хууль болон түүнд нийцүүлэн гаргасан дүрэм, журам, тусгай зөвшөөрлийн нөхцөл шаардлагыг хангаж байгаа эсэхэд чиглэх бөгөөд Сан нь хяналт хэрэгжүүлэхэд шаардлагатай мэдээллээр хангаж ажиллана.

Хорь. Санг татан буулгах

- 20.1. Санг дараах тохиолдолд татан буулгана. Үүнд:
20.1.1. Сангийн үйл ажиллагаа явуулах хугацаа дуусгавар болсон,
20.1.2. Сангийн нэгж эрх эзэмшигчдийн хурлаас сайн дурын үндсэн дээр хугацаанаас өмнө татан буулгахаар шийдвэрлэсэн,
20.1.3. Хөрөнгө оруулалтын сангийн тухай хуульд заасны дагуу хөрөнгө оруулалтын менежментийн компани Сангийн нэгж эрх эзэмшигчдийн хурлыг зарлан хуралдуулсан бөгөөд Сангийн нэгж эрх эзэмшигчдийн дийлэнх олонх санг татан буулгах шийдвэр гаргасан.
20.1.4. Хөрөнгө оруулалтын сангийн тухай хуульд заасны дагуу онцгой нөхцөл байдал үүссэн бөгөөд албадан татан буулгах шүүхийн шийдвэр хүчин төгөлдөр болсон,
20.1.5. Сан дампуурсан,
20.1.6. Төлбөрийн чадваргүй болох,
20.1.7. Хууль тогтоомжид заасан бусад.
- 20.2. Хөрөнгө оруулалтын санг татан буулгах шийдвэрийг дараах этгээд гаргана:
20.2.1. Хөрөнгө оруулалтын сангийн нэгж эрх эзэмшигчдийн хурал,
20.2.2. Санхүүгийн зохицуулах хороо болон эрх бүхий бусад этгээдийн хүсэлтийг үндэслэн шүүх,
20.2.3. Энэхүү Дүрмийн 20.1.1-20.1.3-т заасан үндэслэлээр санг татан буулгах шийдвэрийг нэгж эрх эзэмшигчдийн хурлаас гаргана,
20.2.4. Энэ Дүрмийн 20.1.4.20.1.5-д заасан үндэслэлээр санг татан буулгах шийдвэрийг Санхүүгийн зохицуулах хороо болон эрх бүхий этгээдийн хүсэлтээр Монгол улсын шүүх гаргана.

Хорин нэг. Сангийн хөрөнгийг хуваарилах

- 21.1. Татан буугдсан хөрөнгө оруулалтын сангийн хөрөнгийг дараах дарааллыг дагуу хуваарила. Үүнд:
21.1.1. Сангийн төлөх татварын өр төлбөр,
21.1.2. Санд үйлчилгээ үзүүлсэн бусад этгээдэд төлөх өр, төлбөр,
21.1.3. Санг татан буулгах үйл ажиллагааг эрхэлж байгаа төрийн болон эрх бүхий байгууллагад төлөх төлбөр,
21.1.4. Хөрөнгө хадгалах гэрээний дагуу кастодианд төлөх үйлчилгээний төлбөр,

21.1.5. Хөрөнгө оруулалтын менежментийн компанийн үйлчилгээний төлбөр.

21.2. Энэхүү Дүрмийн 21.1-д заасны дагуу хөрөнгийг хуваарилж дууссаны дараа үлдсэн хөрөнгийг сангийн нэгж эрх эзэмшигчдэд оруулсан хөрөнгийн хэмжээтэй нь мөнгөн хөрөнгөөр хувь тэнцүүлэн олгоно.

Хорин хоёр. Сангийн дүрэм хүчин төгөлдөр болох

- 22.1. Энэхүү Дүрмийг 4 (дөрөв) хувь үйлдсэн бөгөөд үүсгэн байгуулагч нэг хувийг, Санхүүгийн зохицуулах хороо нэг хувийг, Улсын бүртгэлийн газрын хуулийн этгээдийн бүртгэлийн газар нэг хувийг, үлдсэн нэг хувийг Сан өөртөө хадгална.
- 22.2. Энэхүү дүрэм нь Сангийн нэгж эрх эзэмшигчдийн хурлаар батлагдаж, Улсын бүртгэлийн ерөнхий газрын хуулийн этгээдийн бүртгэлийн газарт бүртгүүлсэн өдрөөс эхлэн хүчин төгөлдөр болно.
- 22.3. Энэхүү Дүрэм нь Сангийн үндсэн баримт бичиг байна.
- 22.4. Энэхүү Дүрэмд Нэгж эрх эзэмшигчдийн хурлын шийдвэрээр нэмэлт, өөрчлөлт оруулна.
- 22.5. Энэхүү Дүрмээр зохицуулаагүй бусад харилцааг Хөрөнгө оруулалтын сангийн тухай хууль болон холбогдох бусад хууль тогтоомжоор зохицуулна.

2026 он 4 сар 28 өдөр

Дугаар 26/06

Улаанбаатар хот

“ҮНДЭСНИЙ ХУВЬЧЛАЛЫН САН” ХАМТЫН ХОС-ИЙН НЭГЖ ЭРХ ЭЗЭМШИГЧДИЙН ХУРЛЫН ТОГТООЛ

Төлөөлөн удирдах зөвлөлийн зардлын төсөв батлах тухай

Хөрөнгө оруулалтын сангийн тухай хуулийн 9 дүгээр зүйлийн 9.1 дэх хэсэг, Компанийн тухай хуулийн 62 дугаар зүйлийн 62.1.13 дахь хэсэг, 63 дугаар зүйлийн 63.5 дахь хэсэг, 69 дүгээр зүйлийн 69.1 дэх хэсэг болон “Үндэсний Хувьчлалын Сан” Хамтын ХОС-ийн 2026 оны Нэгж эрх эзэмшигчдийн ээлжит хурлын тэмдэглэл болон Тооллогын комиссын тогтоолыг тус тус үндэслэн ТОГТООХ нь:

1. Төлөөлөн Удирдах Зөвлөлийн 2026 оны үйл ажиллагааны зардлын төсвийг Хавсралтын дагуу баталсугай.
2. Тогтоолын хэрэгжилтийг хангаж ажиллахыг Төлөөлөн удирдах зөвлөлийн нарийн бичгийн дарга, нягтлан бодогч нарт тус тус даалгасугай.

ХУРЛЫН ДАРГА



Ч.ДАВААСАМБУУ

“Үндэсний Хувьчлалын Сан” Хамтын ХОС ХХК-ийн
Нэгж эрх эзэмшигчдийн 2026 оны 4 сарын 28-ны өдрийн
ээлжит хурлын 28/06 тоот тогтоолын Хавсралт 1



ТӨЛӨӨЛӨН УДИРДАХ ЗӨВЛӨЛИЙН 2026 ОНЫ ЗАРДЛЫН ТӨСӨВ

Төсөв	Тоо ширхэг	Давгамж	Нэгж (төгрөг)
ТУЗ-ийн дарга	1	4	2,000,000
ТУЗ-ийн гишүүн	4	4	1,000,000
ТУЗ-ийн нарийн бичиг	1	4	400,000
ТУЗ-ийн хурал зохион байгуулах	1	4	250,000

2026 он 4 сар 28 өдөр

Дугаар

26/24

Улаанбаатар хот

“ҮНДЭСНИЙ ХУВЬЧЛАЛЫН САН” ХАМТЫН ХОС-ИЙН НЭГЖ ЭРХ ЭЗЭМШИГЧДИЙН ХУРЛЫН ТОГТООЛ

Төлөөлөн удирдах зөвлөлийн гишүүд сонгох тухай

Хөрөнгө оруулалтын сангийн тухай хуулийн 9 дүгээр зүйлийн 9.1 дэх хэсэг, “Үндэсний Хувьчлалын Сан” Хамтын ХОС (цаашид “Сан” гэх)-ийн дүрмийн 11 дүгээр зүйлийн 11.2.6 дахь хэсэг, 12 дугаар зүйлийн 12.2 дахь хэсэг, Сангийн 2026 оны Нэгж эрх эзэмшигчдийн ээлжит хурлын тэмдэглэл болон Тооллогын комиссын тогтоолыг тус тус үндэслэн ТОГТООХ нь:

1. Төлөөлөн Удирдах Зөвлөлийн гишүүнд дор дурдсан нэр бүхий гишүүнийг сонгон, томилсугай. Үүнд:

№	Ердийн гишүүдийн нэрс
1	Хүрэлбаатарын Билгүүн
2	Галбадрахын Цогбадрах
3	Чадраабалын Даваасамбуу

Төлөөлөн удирдах зөвлөлийн хараат бус гишүүдэд нэр дэвшигч:

№	Ердийн гишүүдийн нэрс
1	Батхүүгийн Ариунболд
2	Пүрэвийн Баянсан

2. Тогтоолын хэрэгжилтийг хангаж ажиллахыг Төлөөлөн удирдах зөвлөлийн нарийн бичгийн даргад даалгасугай.

ХУРЛЫН ДАРГА



Ч.ДАВААСАМБУУ

2026 он 4 сар 28 өдөр

Дугаар 26/08

Улаанбаатар хот

НЭГЖ ЭРХ ЭЗЭМШИГЧДИЙН ХУРЛЫН ТОГТООЛ

Хөрөнгө оруулалтын бодлогод өөрчлөлт оруулах тухай

Хөрөнгө оруулалтын сангийн тухай хуулийн 17 дугаар зүйлийн 17.1.2, 17.1.4, 26 дугаар зүйлийн 26.3, Санхүүгийн зохицуулах хорооны 2025 оны 64 дүгээр тогтоолоор батлагдсан “Хөрөнгө оруулалтын сангийн үйл ажиллагааны журам”-ын 16 дугаар зүйл, “Үндэсний Хувьчлалын Сан” Хамтын ХОС-ийн 2026 оны Нэгж эрх эзэмшигчдийн ээлжит хурлын тэмдэглэл болон Тооллогын комиссын тогтоолыг тус тус үндэслэн ТОГТООХ нь:

1. “Үндэсний Хувьчлалын Сан” Хамтын ХОС-ийн Төлөөлөн удирдах зөвлөлөөс баталсан Нэгж эрх эргүүлэн худалдан авах болон буцаан зах зээлд арилжих журамд холбогдуулан “Хөрөнгө оруулалтын бодлого”-д оруулах нэмэлт өөрчлөлтийг Хавсралтын дагуу баталсугай.
2. Хөрөнгө оруулалтын бодлого, активын шаардлагад нийцүүлэн сангийн хөрөнгийг удирдаж ажиллахыг “Үндэсний Хувьчлалын Сан” Хамтын ХОС-д үйлчилгээ үзүүлэгч “Ард Менежмент” ХХК-д даалгасугай.
3. Тогтоолын хэрэгжилтийг хангаж ажиллахыг Төлөөлөн удирдах зөвлөлд даалгасугай.

ХУРЛЫН ДАРГА



Ч.ДАВААСАМБУУ

“Үндэсний Хувьчлалын Сан” Хамтын ХОС ХХК-ийн
Нэгж эрх эзэмшигчдийн 2026 оны 4 сарын 28-ны өдрийн
ээлжит хурлын 2408 тоот тогтоолын Хавсралт 1



**“ҮНДЭСНИЙ ХУВЬЧЛАЛЫН САН” ХАМТЫН ХОС-ИЙН ХӨРӨНГӨ ОРУУЛАЛТЫН БОДЛОГЫН
БАРИМТ БИЧИГТ ОРУУЛАХ НЭМЭЛТ ЗААЛТ**

Сан нь нийт зарласан нэгж эрхийн 5 хүртэлх хувь буюу 2,500,000 ширхэг хүртэлх нэгж эрхийг нэгж эрхийн зах зээлийн ханш тухайн үеийн цэвэр хөрөнгийн үнэлгээ (NAV)-ээс 15 ба түүнээс дээш хувиар бага үнэлэгдэж байгаа тохиолдолд зах зээлээс эргүүлэн авах ажиллагааг хэрэгжүүлж болно.

Сангийн нэгж эрхийг буцаан худалдан авах ажиллагаа нь нэгж эрхийн хөрвөх чадварыг нэмэгдүүлэх, нэгж эрх эзэмшигчдийн эрх, ашгийг хамгаалах зорилготой байх бөгөөд Сангийн ТУЗ-өөс баталсан журам болон холбогдох бусад хууль, тогтоомжийн хүрээнд хэрэгжинэ.

Сан нь буцаан худалдан авсан нэгж эрхээ Сангийн үйл ажиллагааны хугацаа дуусахаас өмнө нэгж эрхийн цэвэр хөрөнгийн үнэлгээ (NAV), Сангийн ТУЗ-өөс баталсан журам, холбогдох шийдвэрийн дагуу зах зээлд буцаан арилжиж болно.

2026 он 4 сар 28 өдөр

Дугаар

26/09

Улаанбаатар хот

НЭГЖ ЭРХ ЭЗЭМШИГЧДИЙН ХУРЛЫН ТОГТООЛ

Нэгж эрхийн танилцуулгад өөрчлөлт оруулах тухай

Хөрөнгө оруулалтын сангийн тухай хуулийн 17 дугаар зүйлийн 17.1.2, 17.1.4, 26 дугаар зүйлийн 26.3, Санхүүгийн зохицуулах хорооны 2025 оны 64 дүгээр тогтоолоор батлагдсан “Хөрөнгө оруулалтын сангийн үйл ажиллагааны журам”-ын 16 дугаар зүйл, “Үндэсний Хувьчлалын Сан” Хамтын ХОС-ийн 2026 оны Нэгж эрх эзэмшигчдийн ээлжит хурлын тэмдэглэл болон Тооллогын комиссын тогтоолыг тус тус үндэслэн ТОГТООХ нь:

1. “Үндэсний Хувьчлалын Сан” Хамтын ХОС-ийн Төлөөлөн удирдах зөвлөлөөс баталсан Нэгж эрх эргүүлэн худалдан авах болон буцаан зах зээлд арилжих журамд холбогдуулан “Нэгж эрхийн танилцуулга”-д оруулах нэмэлт өөрчлөлтийг Хавсралтын дагуу баталсугай.
2. Хөрөнгө оруулалтын бодлого, активын шаардлагад нийцүүлэн сангийн хөрөнгийг удирдаж ажиллахыг “Үндэсний Хувьчлалын Сан” Хамтын ХОС-д үйлчилгээ үзүүлэгч “Ард Менежмент” ХХК-д даалгасугай.
3. Тогтоолын хэрэгжилтийг хангаж ажиллахыг Төлөөлөн удирдах зөвлөлд даалгасугай.

ХУРЛЫН ДАРГА



Ч.ДАВААСАМБУУ

"Үндэсний Хувьчлалын Сан" Хамтын ХОС.ХХК-ийн
Нэгж эрх эзэмшигчдийн 2026 оны 4 сарын 28-ны өдрийн
ээлжит хурлын 2/09 тоот тогтоолын Хавсралт 1



**“ҮНДЭСНИЙ ХУВЬЧЛАЛЫН САН” ХАМТЫН ХОС-ИЙН НЭГЖ ЭРХИЙН ТАНИЛЦУУЛГАД
ОРУУЛАХ НЭМЭЛТ ЗААЛТ**

Сан нь нийт зарласан нэгж эрхийн 5 хүртэлх хувь буюу 2,500,000 ширхэг хүртэлх нэгж эрхийг нэгж эрхийн зах зээлийн ханш тухайн үеийн цэвэр хөрөнгийн үнэлгээ (NAV)-ээс 15 ба түүнээс дээш хувиар бага үнэлэгдэж байгаа тохиолдолд зах зээлээс эргүүлэн авах ажиллагааг хэрэгжүүлж болно.

Сангийн нэгж эрхийг буцаан худалдан авах ажиллагаа нь нэгж эрхийн хөрвөх чадварыг нэмэгдүүлэх, нэгж эрх эзэмшигчдийн эрх, ашгийг хамгаалах зорилготой байх бөгөөд Сангийн ТУЗ-өөс баталсан журам болон холбогдох бусад хууль, тогтоомжийн хүрээнд хэрэгжинэ.

Сан нь буцаан худалдан авсан нэгж эрхээ Сангийн үйл ажиллагааны хугацаа дуусахаас өмнө нэгж эрхийн цэвэр хөрөнгийн үнэлгээ (NAV), Сангийн ТУЗ-өөс баталсан журам, холбогдох шийдвэрийн дагуу зах зээлд буцаан арилжиж болно.